

Andrianimerina HOBIANA

23-01-2023

Dernière mise à jour : 23-01-2023

HOBIANA eo amin'ny tononkalo ary Andrianimerina HOBIANA eo amin'ny sombintantara ; solon'ny anarana samy na tamin'ny anarany feno : RAZANAJATOVO ANDRIANIMERINA Hobiana.

Manambady, manan-janaka telo, iray lahy sy roa vavy.

Mpikambana ao amin'ny HAVATSA-UPEM hatramin'ny 1997. Nanangana ny sampana HAVATSA- UPEM tao Arivonimamo ny taona 2001 ary niandraikitra izany hatramin'ny 2007. Filoham-boninahitra ao amin'io sampana io ankehitriny. Efa mpiray faribolana tao amin'ny SANDRATRA ny taona 1997 hatramin'ny taona 2000 nifindrany monina tany Arivonimamo.

Namoaka tononkalo sy sombintantara maro tamin'ny boky nitambarana tao amin'ny HAVATSA-UPEM sy Faribolana SANDRATRA izy. Nisy koa ny boky kely nosoratan'olon-droa toa ny TSINGERIM-PITIA izay diam-penin'izy sy i Jarih, natontan'ny Edisi'na Tsipika ny taona 1999 sy ny TSIPI-PANOHIZANA, niarahan'izy mirahalahy namoaka ny taona 2007. Efa niandraikitra ny gazety fanabeazana « Fanoitran'Imamo » nandritra ny taona vitsy talohan'ny taona 2007.

Namoaka ny amboaran-tononkalo nosoratany manokana : « ADOLANTSENTO » ny taona 2011 ary ny 2019 ny amboaran-tsombintantara « ROM-PADINKENA » navoakan'ny Edisiona Ranjasoa Publishing.

Nisolotena an'ny Madagasikara tamin'ny fihaonamben'ny poety avy amin'ny nosy ao amin'ny Ranomasimbe (antsoina ankehitriny hoe : Indiano©anie), nokarakarain'ny Amis de Lacaussade tao Salazie La Réunion izy ny taona 2012.

Nomen'ny Minisiteran'ny Kolontsaina sy ny Vakoka ny mariboninahitra Officier de l'Ordre des Arts, des Lettres et de la Culture ny taona 2012 ary ny Commandeur de l'Ordre des Arts, des Lettres et de la Culture ny 2017.